

BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
OPĆINSKI SUD U ZENICI
Broj: 43 0 St 263664 25 St
Zenica, 13.07.2026. godine

Općinski sud u Zenici, stečajni sudija Amela Sinanović, odlučujući o prijedlogu za otvaranje stečajnog postupka nad stečajnim dužnikom Društvo za unutrašnju-vanjsku trgovinu, špediciju i proizvodnju „ BRODEX“ Zenica, d.o.o., ul. Kranjčevićeva br. 10 A, odlučujući po prijedlogu likvidatora Šoko Mirka za provođenje stečajnog postupka, van ročišta, dana 13.07.2026. godine, donio je sljedeće:

R J E Š E N J E

Otvora se i zaključuje stečajni postupak nad stečajnim dužnikom Društvo za unutrašnju-vanjsku trgovinu, špediciju i proizvodnju „ BRODEX“ Zenica, d.o.o., matični registarski broj subjekta upisa 1-1699, zbog nepostojanja imovine dovoljne za pokriće troškova stečajnog postupka, te se nalaže brisanje ovog privrednog društva iz sudskog registra zavedenog pod matični registarski broj 1-1699, po pravomoćnosti ovoga rješenja.

O b r a z l o ž e n j e

Dana 27.03.2024.godine, podnesen je prijedlog za pokretanje likvidacionog postupka nad Društvo za unutrašnju-vanjsku trgovinu, špediciju i proizvodnju „ BRODEX“ Zenica, d.o.o. Za likvidatora društva imenovan je Šoko Mirko, osnivač i direktor društva, koji je ovom sudu dana 30.07.2025.godine, podnio prijedlog za provođenje stečajnog postupka, nad navedenim privrednim društvom, nakon što je utvrđeno da likvidacioni postupak nije moguće zaključiti, jer društvo ne raspolaže sa imovinom, iz koje bi se mogla namiriti prijavljena potraživanja. U toku likvidacionog postupka svoja potraživanja prijavili su povjerioci Porezna uprava Federacije BiH, Kantonalni porezni ured Zenica u iznosu od 20.811,01 KM i JP „Grijanje“ d.o.o. Zenica, u iznosu od 1.175,01 KM.

Da bi utvrdio stečajne razloge iz čl. 6. Zakona o stečaju (Sl. novine F BiH, broj: 53/21), sud je zakazao ročište za utvrđivanje uvjeta za otvaranje stečajnog postupka, kojem su prisustvovali likvidator i punomoćnici povjerilaca JP“Grijanje“ d.o.o. Zenica i Federalno ministarstvo finansija, Porezna uprava FBIH, Kantonalni porezni ured Zenica.

Na ročištu za ispitivanje uvjeta za otvaranje stečajnog postupka održanom dana 31.03.2026.godine, likvidator je ostao kod Izvještaja o radu sa popisom imovine i potraživanja od 02.04.2025.godine, te je istakao da je društvo osnovano 1991. godine, da je poslovalo do kraja 2007. godine kada je Odlukom o likvidaciji prestalo sa radom 31.12.2007. godine, tako da poslije navedenog datuma nije bilo poslovnih aktivnosti. Društvo se bavilo carinskim posredovanjem i špediterskim poslovima, sjedište društva je bilo na adresi Kranjčevićeva broj 10 A i taj prostor je bio zakupljen. Prvobitni prijedlog za likvidaciju je podnesen dana 18.12.2007. godine, ali je prijedlog povučen, pa je ponovo podnesen dana 27.03.2024. godine, Rješenje o otvaranju likvidacionog postupka objavljeno je u Službenim novinama F BiH 57/24 od 24.07.2024. godine. U toku likvidacionog postupka su podnesene prijave povjerilaca Kantonalni porezni ured Zenica u iznosu od 20.811,01 KM i JP „Grijanje“ d.o.o. Zenica u iznosu od 1.175,01 KM, koje je likvidator osporio nakon čega je upućen na parnicu, ali tužbu nije podnio u ostavljenom roku, pa se smatra da su podnesene prijave priznate u cijelosti. Nadalje je istakao da društvo nema nikakvu imovinu, da iz dostavljenih

Uvjerenja službe za imovinsko-pravne i geodetske poslove Grada Zenica od 12.08.2024. Uvjerenje ZK ureda Općinskog suda u Zenici broj: 043-0-Rz-25-001306 od 11.04.2025. godine, vidljivo da društvo nema nekretnine u svom vlasništvu odnosno da nije evidentiran kao posjednik nekretnina, da iz Uvjerenje MUP ZDK Zenica, Odsjek za administraciju Zenica od 13.08.2024. godine je vidljivo da društvo ne posjeduje motorna ili priključna vozila u svom vlasništvu. Iz Bilansa uspjeha za period 01.01.2023. do 31.12.2023. godine i Bilansa stanja na dan 31.12.2023. godine je vidljivo da je na pozicijama dugoročne imovine evidentiran iznos 0,00 KM, na poziciji kratkoročne imovine iznos od 0,00 KM. Na poziciji dugoročne obaveze iznos od 0,00 KM i kratkoročne obaveze iznos od 0,00 KM. Društvo nema pokretnu imovinu, nenaplaćena potraživanja, a ni novčana sredstva. Kako društvo ima obaveze, a nema imovine ispunjeni su uvjeti za otvaranje stečajnog postupka, zbog čega je predložio da sud pozove zainteresovane osobe da u roku od 30 dana predlože otvaranje stečajnog postupka i predujme iznos od 5.000,00 KM na ime troškova stečajnog postupka, te da ukoliko niko u ostavljenom roku ne predujmi određeni iznos, donese rješenje o otvaranju i zaključenju stečajnog postupka nad ovim društvom kao i brisanje istog iz sudskog i drugih registara po pravomoćnosti istog.

Punomoćnici povjerilaca nisu imali primjedbi niti prigovora na ovaj Izvještaj.

Dakle, Društvo za unutrašnju-vanjsku trgovinu, špediciju i proizvodnju „BRODEX“ Zenica, d.o.o., nema imovine koja bi mogla biti predmetom stečajne mase, obzirom da isto proizilazi iz gore navedenog Izvještaja likvidatora i dokaza dostavljenih uz izvještaj.

Zbog svega navedenog zaključak je da društvo ne posjeduje nikakvu imovinu, te da postoji stečajni razlog za pokretanje stečajnog postupka, ali da imovina društva nije dovoljna da pokrije troškove stečajnog postupka.

Imajući u vidu prethodno navedeno, sud je, primjenom odredbe člana 102. stav 7. Zakona o stečaju, Rješenjem od 31.03.2026. godine, objavljeno u „Sl. novinama FBiH“ br. 28/26 od 15.04.2026.godine, pozvao povjerioce i zainteresovana lica da u roku od 30 dana od dana objavljivanja poziva predlože otvaranje stečajnog postupka i uplate predujam za obezbjeđenje troškova stečajnog postupka u iznosu od 5.000,00 KM, te da po izvršenoj uplati predujma sudu dostave uplatnicu, kao dokaz da je uplata izvršena. Visina troškova srazmjerno je određena visini troškova koji se očekuju, a koji su neophodno potrebni za otvaranje i vođenje stečajnog postupku.

Kako stečajni dužnik ima obaveze, a nema imovine pa ni za troškove stečajnog postupka, a zainteresirane osobe ni po proteku roka ostavljenom u rješenju donesenog od strane ovog suda nisu predujmila novčani iznos za pokrivanje troškova stečajnog postupka, to je primjenom odredbe čl. 102. stav 8. Zakona o stečaju, („Sl. Novine F BiH“ broj: 53/2021), odlučeno kao u izreci ovog rješenja.

Ovim rješenjem određeno je otvaranje i istovremeno zaključenje stečajnog postupka i brisanje ove pravne osobe iz sudskog registra.

POUKA O PRAVNOM LIJEKU

Protiv ovog rješenja može se izjaviti žalba u roku od 8 dana od dana dostavljanja, Kantonalnom sudu u Zenici putem ovog suda u tri primjerka.

Stečajni sudija

Amela Sinanović

